



朱子語類大全

語錄

池州所刊語錄四十三卷

續增張洽錄一卷

饒州所刊語續錄四十六卷

饒州所刊語後錄二十六卷

建寧新刊別錄二十卷

語類

蜀中所刊語類一百四十卷

徽州所刊語續類四十卷

宋導江黎靖德類編



池州刊朱子語錄後序

晦庵朱先生所與門人問答門人退而私竊記之先生沒其書始出記錄之語未必盡得師傳之本旨而更相傳寫又多失其本真其或輒自刪改雜亂訛舛幾不可讀李君道傳貫之自蜀來仕于朝博求先生之遺書與之游者亦樂爲之搜訪多得記錄者之初本其後出守儀真持庾節於池陽又與潘時舉葉賀孫諸嘗從游於先生之門者互相讎校重複者削之訛謬者正之有別錄者有不必錄者隨其所得爲志帙次第凡三十有二家繼此有得者又將以附于後特以備散失廣其傳耳先生之著書多矣教人求道入德之方備矣師生函丈間往復詰難其辨愈詳其義愈精讀之竦然如侍燕閒承警效也歷千載而如會一堂合衆聞而悉歸一已是書之傳豈小補哉貫之旣以錄諸木以幹與聞次輯而俾述其意云嘉定乙亥十月朔旦門人黃幹謹書

饒州刊朱子語類錄後序

嘉定乙亥歲仲兄文惠公持節江左取所傳朱文公先生語類錄木池陽凡三十有三家其書盛行性傳被命造朝益加搜訪由丙戌至今得四十有一家率多初本去其重複正其訛舛第其歲月刻之番易學宮復考池錄所餘多可傳者因取以附其末合池錄與今錄凡先生平生所與學者談經論事之語罕得其九嗣有所得尚續刊之池錄之行也文肅黃公直卿既為之序其後書與伯兄乃殊不滿意且謂不可以隨時應父之語易平生著述之書性傳謂記者易差自昔而然河南遺書以李端明師說為首蓋端伯所記伊川先生嘗稱其最得明道先生之旨故也至論浩氣一條所謂以直養而無害云者伊川乃深不謂然端伯猶爾況於其他直卿之云是是也然嘗聞和靖先生稱伊川之語曰某在何必觀此書而文公先生之言則曰伊川在何必觀伊川亡則不可以不觀矣蓋亦在乎學者審之而已

先生家禮成於乾道庚寅通鑑綱目西銘解義成於壬辰大極通書義成於癸巳論孟註問詩集傳成於淳熙丁酉易本義啓蒙成於乙巳丙午之間大學中庸章句或問成書雖久至巳酉乃始序而傳之楚辭集註韓文考異成於慶元乙卯禮書雖有綱目脫藁者僅二十有三篇其著書歲月次第可考也家禮編成而逸既歿而其書出與晚歲之說不合先生蓋未嘗為學者道也語孟中庸大學四書後多更定今大學誠意章蓋未易簣前一夕所改也是四書者曹思最久訓釋最精明道傳世無復遺蘊至其他書蓋未及有所筆削獨見於疑難答問之際多所異同而易書為其最淵所錄一編與本義異者十之三四大率多合先君文昭本傳之說文昭謂乾坤之用主於誠敬坎離之用主於誠明世未有通其義者而先生獨稱之其不執一說惟是之從如此故愚謂語類與四書異者當以書為正而論難往復書所未及者當以語為助與詩易諸書異者在成書之前亦

當以書爲正而在成書之後者當以語爲是學者類而求之斯得之矣不特此也先生平日論事甚衆規恢其一也至其暮年乃謂言規恢於紹興之間者爲正言規恢於乾道以後者爲邪非語錄所載後人安得而知之是編也真不爲無益而學者不可以不之讀也先生又有別錄十卷所譚者炎興以來大事爲其多省中語未敢傳而卯火亡之今所存者幸亦一二焉嘉熙戊戌月正元日後學三峒李性傳書

饒州刊朱子語後錄後序

鄱陽所刊先師文公朱先生語錄固欲續池錄所未備然先師之言滿天下二錄所收亦豈能遽盡哉淳祐戊申杭將指江東鄱陽洪叔魚片以其外大父吏部楊公方手所錄寒泉語見示既又於安仁湯叔遜汲得其家藏包公揚所錄二公在師門爲前輩所錄尚未編入則所遺者亦多矣繼而東陽王元敬似亦以所集刊本見寄又得里中朋友所傳一、二家乃悉以次編入爲二十六卷先師之緒言雖未敢謂無復遺逸然所會粹益富矣獨念先師又有親自刪定與先大父西山講論之語及性與天道之妙名曰翁季錄者久未得出以流行於世豈斯文之顯晦固自有時乎竊尤有感於此故輒併識其拳拳之意云淳祐己酉中秋日門人建安蔡抗書

建安刊朱子語別錄後序

子朱子語錄行於世尚矣池錄三十有三家番本續錄四十有二家其二十四家池本所未有也再見者兩家錄餘凡六家又後錄二十三家其二十家亦池本所未有也再見者三家合三錄爲八十七家及門之士固有如謝先生在程門無錄者其有錄可傳者既如此矣堅未學生晚嘉定癸未甲申間侍先君子官長沙帥西山真先生倅弘齋李先生常進之函丈又事長沙舒先生列岳麓諸生果齋李先生過潭又獲侍講席焉果齋先君子畏友也嘗介以登朱子之門堅繇是多見未行語錄手抄盈篋凡六十五家今

四十年矣晚得池番本參攷刊者固已多然黃士毅所錄朱子親筆所改定者已見於輔廣錄中其所自錄及師言則亦三錄所未有若李壯祖張洽郭道遠所錄亦未有也揭來閩中重加會粹以三錄所餘者二十九家及增入未刊者四家自爲別集以附續錄後集之末泰華高矣滄海深矣非有待增益也獨念蚤所聞於父師者罔敢失墜今幸是錄所已行者如此則其尚有所遺者敢付之一筆刪去哉亦並行之可也抑堅聞之大易居行先以學聚問辯中庸篤行先以學問思辨程子以講明道義論古今人物爲格物致知之首則學非問辨不明審矣朱子教人既有成書又不能忘言者爲答問發也天地之所以高厚一物之所以然其在成書引而不發者語錄所不可無也凡讀先生成書者兼攷乎語錄可也若但涉獵乎語錄而不玩味於成書幾何而不爲入耳出口之資爲己之學蓋不然也書于篇端以誌同志抑以自警焉咸淳初元嘉平之月後學天台吳堅敬識

朱子語類後序

黃士毅

右語類摠成七十家除李侯貫之已刊外增多三十八家或病諸家所記互有重複乃類分而考之蓋有一時之所同聞退各抄錄見有等差則領其意者斯有詳畧或能盡得於言而首尾該貫或不能盡得於言而語脉間斷或就其中粗得一二言而止今惟存一家之最詳者而它皆附于下至於一條之內無一字之不同者必抄錄之際嘗相參校不則非其聞而得於傳錄則亦惟存一家而注與某人同爾既以類分遂可繕寫而略爲義例以爲後先之次第有太極然後有天地有天地然後有人物有人物然後有性命之名而仁義禮智之理則人物所以爲性命者也所謂學者求得夫此理而已故以太極天地爲始乃及於人物性命之原與夫古學之定序次之以羣經所以明此理者也次之以孔孟周程朱子所以傳此理者也乃繼之以斥異端異端所以蔽此理而斥之者任道統之責也然後自我

朝及歷代君臣法度人物議論亦畧具焉此即理之行於天地
設位之後而著於治亂興衰者也凡不可以類分者則雜次之
而以作文終焉蓋文以載道理明意達則辭自成文後世理學
不明第以文辭為學固有竭終身之力精思巧製以務名家者
然其學既非其理不明則其文雖工其意多悖故特次之於後
深明夫文為末而理為本也然始焉妄易分類之意惟欲考其
重複及今而觀之則夫理一而名殊問同而答異者淺深詳略
一目在前互相發明思已過半至於羣經則又足以起或問之
所未及校本義之所未定補書說之所未成而大學章句所謂
高入虛空卑流功利者皆灼然知其所指而不為近似所陷溺
矣誠非小補者故嘗謂孔孟之道至周程而復明至朱子而大
明自今以後雖斯道未能盛行於世而誦遺書私淑艾者必不
乏人不至於千五百年之久絕而不續反復斯編抑自信云

又

語類成編積百四十卷同志艱於傳錄而眉山史廉叔願錄于
木士毅之類次雖犯不韙而不復固辭者庶幾無傳錄之艱也
獨池本陳埴一家惟論仁一條按遺文乃答埴書不當取為類
故今不載又輔廣所錄以先生改本校之則去其所改而反存
其所勾者合三十餘條今亦惟據改本拍道連教至君子所貴
以前皆先生親改亦傳聞之誤或有一條折為三四條如實從
當時雜改定者入十餘條耳或有一條折為三四條如實從
周錄所見先生語之類今則復其舊或士毅所傳本多於刊本
如黃義剛者悉類入而不去文異者則姑注一二條云一本作
某字以上皆與池本異者蓋池本雖黃侯直卿之所次輯然李
侯貫之惟據所傳以授直卿而直卿亦據所授以加讎校且有
增改於已讎校之後者不與焉故近聞之直卿欲求元本刊改
而未能也至於或出於追述故得於傳聞則文辭之間不無差
誤凡此之類讀者詳考四書及他記錄而折衷其所疑可也惟
學類七卷雖出於臆見而實本先生教人之方後學於此三復

而得夫入道之門則能總會是編而體之於身矣己卯九月望日門人莆田黃士毅謹識

眉州刊朱子語類序

開禧中予始識輔漢卿于都城漢卿從朱文公最久盡得公平生語言文字每過予相與熟復誦味輒移晷弗去予既補外漢卿悉舉以相畀嘉定元年予留成都度周卿請刻本以幸後學予曰予非敢靳也所為弗敢傳者恐以誤後學耳周卿艷然曰奚至是予曰子知今之學者之病乎凡千數百年不得其傳者今諸儒先之講析既精後學之粹類亦廣而閩浙庸蜀之鋟刻者已徧于天下若稍損費用則立可以充厨牕凡苟有小惠纖能涉其大指則亦能以綴說緝文或以語諸人則亦若稍嘗從事焉者奚必誦先聖書而後為學乎亦取諸此而足矣且張宣公以程子之意類聚孔孟言仁而文公猶恐長學者欲速好徑之心滋入耳出口之弊脫是書之行其無乃非公所云云者乎

吾甚懼焉周卿是姑徐之後數年竟從予乞本刊諸青衣彼不過余所藏十之二三耳然予且謂周卿曰子其以此意著于篇端俾學者毋襲是弊也其後李貴之刊于江東則已十之六七今史廉叔所得黃子洪類本則公之說至是幾無復遺餘矣廉叔將板行以予有志於斯也屬叙所以作予為言嘗以告周卿者廉叔曰然則已諸曰已之無傷雖然安於小成甘於自棄者氣質之偏而無以矯之也而秉彝好德之心誰獨無之予前所憂蓋為世之專事乎耳目口筆苟以譁眾取寵而無志乎遠且大者也黨不忍自薄其身則無寧深體孰玩以為求端用力之模準者乎今未可槩以是為疑而闕其傳蓋遂以此冠篇而併刻之將聽學者之自擇焉予洪名士毅姑蘇人嘗類文公集百五十卷今藏之策府又類注儀禮未成書云至嘉定十三年九月丁亥朔臨邛魏了翁序

徽州刊朱子語類後序

蔡抗

論語一書乃聖門高第所集以記夫子之嘉言善行垂訓後世
朱子語類之編其亦倣是意而爲之者也或曰語必以類相從
豈論語意與曰學而一篇所記多務本之意里仁七章所記皆
爲仁之方若八份之論禮樂鄉黨之記言行公治長辨人物之
賢否微子載聖賢之出處亦何嘗不以類哉天下之理同歸而
殊塗一致而百慮非有以會而通之則祇見其異耳大傳曰觸
類而長之天下之能事畢矣而伊川之誨學者亦必曰將聖賢
言仁處類聚觀之然則語類之集其有功於學者多矣新安舊
有紫陽書堂而紫陽之書未備也通守洪君勳教授張君文虎
相與謀以蜀本語類刊之越二歲而書成郡侯謝工部堂屬余
爲跋其梗槩余不得辭也因僭爲之說曰理有可以類通而非
可以類止是其然必有所以然學者因其類以究極朱子之全
書使此理融會通貫不枯於一草一物而止則無愧於吾夫子
觸類而長之訓也若夫憚煩勞安簡佚以爲取足於此則朱子
固嘗以是爲學者病矣烏乎可抑二君推廣私淑之意亦賢矣
哉淳祐壬子六月望日

徽州刊朱子語類續類後序

王必

文公朱先生語類一百三十八卷壺山黃子洪取門人所錄語
以類相從也先是池本饒本人各爲錄間見錯出讀者病焉子
洪既以類流傳便於玩索而微言精語猶有所遺似每加訪求
得所未見自是朋友知舊知其有心於纂輯亦頗互出所有以
見示凡二十有餘家既良以爲發錄而繼之者尚未艾也必幽
居無事蓋嘗潛心而觀之審訂其複重參繹其端緒用子洪已
定門目稱爲續類凡四十卷或謂前類不爲少矣又以續類附
益之不已多乎竊謂學固戒於徒博然亦不可以不博而徑約
也又况文公先生之道高明廣大致極無遺學者正當盡博約
之方而後精微中庸之趣始可漸而求必每觀諸家所錄以其
問有淺深故於教告亦有不同其視文公先生之精縕不能得

楊道夫 字 軒 人

己酉 所以 閏

池錄 十九

徐寓 字 嘉 人

庚戌 所以 閏

池錄 十八

林恪 字 叔 恭 人

癸丑 所以 閏

池錄 十七

石洪慶 字 章 人

癸丑 所以 閏

池錄 十六

徐容 字 嘉 人

辛亥 所以 閏

池錄 十五

甘節 字 吉 人

癸丑 所以 閏

池錄 十四

黃義剛 字 毅 然 人

癸丑 所以 閏

池錄 十三

晏淵 字 亞 夫 人

癸丑 所以 閏

池錄 十二

龔蓋 字 夢 錫 人

甲寅 所以 閏

池錄 十一

廖謙 字 益 人

甲寅 所以 閏

池錄 十

孫自修 字 敬 人

甲寅 所以 閏

池錄 九

潘頌孫 字 頌 文 人

甲寅 所以 閏

池錄 八

湯泳 字 永 人

乙卯 所以 閏

池錄 七

林夔 字 武 人

丁巳 所以 閏

池錄 六

錢木之 字 嘉 人

丁巳 所以 閏

池錄 五

曾祖道 字 人

丁巳 所以 閏

池錄 四

沈佃 字 嘉 人

戊午 所以 閏

池錄 三

鄭文仁 字 德 元 人

戊午 所以 閏

池錄 二

李儒用 字 仲 秉 人

己未 所以 閏

池錄 一

黃翰 字 直 人

己未 所以 閏

池錄 零

何錫 字 武 人

乙未 所以 閏

池錄 九

程端蒙 字 正 思 人

己亥 所以 閏

池錄 八

周謨 字 康 人

己亥 所以 閏

池錄 七

潘柄 字 謙 人

癸卯 所以 閏

池錄 六

魏椿 字 元 壽 人

戊申 所以 閏

池錄 五

吳必大 字 伯 豐 人

戊申 所以 閏

池錄 四

黃蓄 字 子 耕 人

戊申 所以 閏

池錄 三

楊若海 字 子 道 人

戊申 所以 閏

池錄 二

楊若海 字 子 道 人

戊申 所以 閏

池錄 一

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

饒錄 四六

揚驥字子昂道

已酉甲寅

饒錄十二

陳淳字安卿

庚戌己未

饒錄十三

童伯雨字重卿

辛亥

饒錄十五

鄭可學字子人

辛亥

饒錄十六

滕璘字德粹

辛亥

饒錄十七

王力行字近思

辛亥

饒錄十八

游敬仲字連叔

辛亥

饒錄十九

不知何氏

辛亥

饒錄二十

黃升卿

辛亥

饒錄廿一

周明作字元興

壬子

饒錄廿二

蔡懋錄字行夫

壬子

饒錄廿三

楊與立字道夫

壬子

饒錄廿四

鄭南升字文桓

癸丑

饒錄廿五

歐陽謙字曉遜

癸丑

饒錄廿六

游倪字和之

癸丑

饒錄廿七

楊至字至之

癸丑甲寅

饒錄廿八

饒後錄廿九

潘植字立之

癸丑

饒錄廿九

王過字幼觀

甲寅

饒錄三十

董拱壽字仁叔

甲寅

饒錄卅一

林學蒙字正卿

甲寅

饒錄卅二

林賜字聞一

乙卯

饒錄卅三

胡泳字伯量

戊午

饒錄卅五

呂壽字德昭

己未

饒錄卅七

不知何氏

己未

饒錄卅九

吳壽昌字大年

丙午

饒錄四三

楊長孺字伯子

甲寅

饒錄四四

吳琮字仲方

甲寅

饒錄四五
覽者詳之

楊方字子直

庚寅聞

饒後錄一〇問有可疑

包揚字顯道人

癸卯甲辰乙巳聞

饒後錄三四五六〇

劉炎字人

己酉甲寅以聞

饒後錄七

劉子寰字所人

己未聞

饒後錄八

邵浩

丙午聞

饒後錄九

劉砥字履之

庚戌聞

饒後錄十

劉礪字用之

己未聞

饒後錄十一

李輝字晦父

饒後錄十二

陳芝字庭秀

壬子聞

饒後錄十三

黃灝

饒後錄十四

黃卓字先之

饒後錄十五

汪德輔字長孺

壬子聞

饒後錄十六

吳振

饒後錄十七

吳雉字和

饒後錄十八

鍾震字春

甲寅聞

饒後錄十九

林子蒙

饒後錄二十

林學履

己未錄

饒後錄廿一

蕭佐

甲寅聞

饒後錄廿二

舒高

甲寅聞

饒後錄廿三

李杞字良仲

甲寅聞

饒後錄廿六

張洽字元德

丁未癸丑聞

附池錄後

黃士毅字子洪

蜀類

徽續類

李壯祖字武人

蜀類

李公謹

蜀類

一之

徽續類

郭道遙

建別錄十八

不知何氏

建別錄十九

朱子語類門目

黃氏

理氣

太極陰陽凡形於法象者二卷

鬼神

其別有三在天之鬼神陰陽造化是也在人之鬼神人死為鬼是也祭祀之鬼神神示祖考是也三者雖異其所以為鬼神者則同知其異又知其同斯可以語鬼神之道矣故合為一卷

性理

論性不論氣不備故先總論人物之性而繼以氣稟之性為一卷古人之學必先明夫名義故為學也易而求之不差後世名義不明故為學也難蓋有終身昧焉而不察者又安能反而體之於身哉故以性情心意等之命名者為一卷仁義禮智等之命名者為一卷共三卷

學

先之以小學為一卷摠論為學之方為一卷次論知行為一卷次專論讀書之法為二卷乃致知之一端也次則及夫持守為一卷又次則終以行事為一卷共七卷朱子教人之序如此因敢次第之即大學致知而后誠意正心脩身誠意正心脩身而后齊家治國平天下之道也從上聖賢相承定法不容變易如近世之逞虛言而不實踐乃學者之罪正原於知之未致非教之失也苟或懲此別立一法後致知而先行事則其始雖若有近效而其終之弊必至廢書而流於異端不然所見不充規模狹隘不過於循默自守而已所謂經綸大經則無矣非理學之功用也

大學五卷

論語三十一卷

孟子十一卷

中庸三卷

易十三卷

易類悉本卦爻次第上下繫說序卦亦本古注分章今從本義惟綱領三卷則畧為義例氣數雖並行然有氣而後有數故先陰陽而數始次之物受形於氣數故圖書次之易本圖書而畫故伏羲六十四卦次之而原易之作則本教天下之占故卜筮次之而所以教天下之占者則假奇偶之體以象吉凶故象次之此伏羲之易朱子所謂本義也此則為二卷易始無辭更文王周公孔子而辭始備故三聖之易越千有餘年至程子而始演易之理邵子而始明易之數又至朱子而始推易之占故繼以三子之易然後總論夫讀易之方與夫卦爻等義可以類推而通者而復終之以人事以明易為人事用也凡後世之言易者其得失略次于後使學者有考焉此則為一卷上經四卷下經二

卷下繫三卷說序雜卦一卷

書二卷

詩二卷

孝經一卷

春秋一卷

禮八卷

樂一卷

孔孟周程張邵朱子

自孔子及顏曾弟子至孟子繼以周程張子用附為一卷周程所以上繼孔孟也然後分周子之書為一卷程子之書為三卷九係入近思者皆依卷次第別為二卷其非入近思者以類而從別為一卷文集附焉張子之書為二卷亦別入近思者邵子之書為一卷程子門人為一卷楊氏尹氏門人為一卷羅氏胡氏門人為一卷朱子自論學工夫

為一卷註書為一卷已註外任一卷內任一卷論

治道一卷論取士一卷論兵刑一卷論民財一卷論官一

卷訓門人九卷

呂伯恭一卷

陳葉一卷

陸氏一卷

老氏一卷

釋氏一卷

本朝六卷

歷代三卷

戰國漢唐諸子一卷

雜類一卷

作文二卷

朱子語類卷目

卷之一

理氣上

太極天地上

卷之二

理氣下

天地下

卷之三

鬼神

卷之四

性理一

人物之性氣質之性

卷之五

性理二

性情心音等名義

卷之六

性理三

仁義禮智等名義

卷之七

學一

小學

卷之八

學二

總論為學之方

卷之九

學三

知行

卷之十

學四

讀書法上

卷之十一

學五

讀書法下

卷之十二

學六

持守

卷之十三

學七

力行

卷之十四

大學一

經上

卷之十五

大學二

經下

卷之十六

大學三

傳十章

卷之十七

大學四

或問上

卷之十八

大學五

或問下

卷之十九

論語一

綱領

卷之二十

論語二

學而上

卷之二十一

論語三

學而中

卷之二十二

論語四

學而下

卷之二十三

論語五

為政上

卷之二十四

論語六

為政下

卷之二十五

論語七

八佾

卷之二十六

論語八

里仁上

卷之二十七

論語九

里仁下

卷之二十八

論語十

公冶長上

卷之二十九

論語十一

公冶長下

卷之三十

論語十二

雍也一

卷之三十一

論語十三

雍也二

卷之三十二

論語十四

雍也三

卷之三十三

論語十五

雍也四

卷之三十四

論語十六

述而

卷之三十五

論語十七

泰伯

卷之三十六

論語十八

子罕上

卷之三十七

論語十九

子罕下

卷之三十八

論語二十

鄉黨

卷之三十九

論語二十一

先進上

卷之四十

論語二十二

先進下

卷之四十一

論語二十三

顏淵上

卷之四十二

論語二十四

顏淵下

卷之四十三

論語二十五

子路

卷之四十四

論語二十六

憲問

卷之四十五

論語二十七

衛靈公

卷之四十六

論語二十八

季氏

卷之四十七

論語二十九

陽貨

卷之四十八

論語三十

微子

卷之四十九

論語三十一

子張

卷之五十

論語三十二

堯曰

卷之五十一

孟子一

梁惠王

卷之五十二

孟子二

公孫丑上之上

卷之五十三

孟子三

公孫丑上之下

卷之五十四

孟子四

公孫丑下

卷之五十五

孟子五

滕文公

卷之五十六

孟子六

離婁上

卷之五十七

孟子七

離婁下

卷之五十八

孟子八

萬章

卷之五十九

孟子九

告子

卷之六十

孟子十

盡心上

卷之六十一

孟子十一

盡心下

卷之六十二

中庸一

首章

卷之六十三

中庸二

第二章至第十九章

卷之六十四

中庸三

第二十章至末章

卷之六十五

易一

綱領上之上

卷之六十六

易二

綱領上之下

卷之六十七

易三

綱領下

卷之六十八

易四

乾上

卷之六十九

易五

乾下止坤

卷之七十

易六

屯止觀

卷之七十一

易七

噬嗑止離

卷之七十二

易八

咸止升

卷之七十三

易九

困止未濟

卷之七十四

易十

繫辭上之上

卷之七十五

易十一

繫辭上之下

卷之七十六

易十二

繫辭下

卷之七十七

易十三

說卦序卦雜卦

卷之七十八

書一

虞書

卷之七十九

書二

夏商周書

卷之八十

詩一

綱領

卷之八十一

詩二

三百篇

卷之八十二

孝經

卷之八十三

春秋

卷之八十四

禮一

綱領

卷之八十五

禮二

儀禮

卷之八十六

禮三

周禮

卷之八十七

禮四

小戴禮

卷之八十八

禮五

大戴禮

卷之八十九

禮六

冠昏喪

卷之九十

禮七

祭

卷之九十一

禮八

雜儀

卷之九十二

樂

卷之九十三

孔孟周程張子

卷之九十四

周子書

卷之九十五

程子書一

卷之九十六

程子書二

卷之九十七

程子書三

卷之九十八

張子書一

卷之九十九

張子書二

卷之一百

邵子書

卷之一百一

程子門人

卷之一百二

楊氏尹氏門人

卷之一百三

羅氏胡氏門人

卷之一百四

朱子一

自論為學工夫

卷之一百五

朱子二

論自注書

卷之一百六

朱子三

外任

卷之一百七

朱子四

內任

卷之一百八

朱子五

論治道

卷之一百九

朱子六

論取士

卷之一百一十

朱子七

論兵刑

卷之一百一十一

朱子八

論民財

卷之一百一十二

朱子九

論官

卷之一百一十三

朱子十

訓門人一

卷之一百一十四

朱子十一

訓門人二

卷之一百一十五

朱子十二

訓門人三

卷之一百一十六

朱子十三

訓門人四

卷之一百一十七

朱子十四

訓門人五

卷之一百一十八

朱子十五

訓門人六

卷之一百一十九

朱子十六

訓門人七

卷之一百二十

朱子十七

訓門人八

卷之一百二十一

朱子十八

訓門人九

卷之一百二十二

呂伯恭

卷之一百二十三

陳葉

卷之一百二十四

陸氏

卷之一百二十五

老莊

卷之一百二十六

釋氏

卷之一百二十七

本朝一

祖宗事實

卷之一百二十八

本朝三

法制

卷之一百二十九

本朝三

國初至熙寧人物

卷之一百三十

本朝四

熙寧至靖康人物

卷之一百三十一

本朝五

中興至今日人物上

卷之一百三十二

本朝六

中興至今日人物下

卷之一百三十三

本朝七

盜賊夷狄

卷之一百三十四

歷代一

卷之一百三十五

歷代二

卷之一百三十六

歷代三

卷之一百三十七

戰國漢唐諸子

卷之一百三十八

雜類

卷之一百三十九

作文上

卷之一百四十

作文下詩

拾遺

朱子遺語之行於世也盛矣蓋本其舊者有三而從以類者二靖德嘗受讀而病其難也昔朱子嘗次程子之書矣者記錄者主名而稍第其所聞歲月且以精擇審取戒后之學者李公道傳之刊池錄也蓋用此法黃公幹既序之矣后乃不滿意蓋亦想夫讀者之不得其方也二公之心其亦韓子所謂堯舜之利民也大而禹之慮民也深者乎是以黃公不自出其所錄其後李公性傳刊續錄于饒以備池錄之所未蔡公抗刊後錄又益富矣然饒錄最后三家李公嘗附致其疑而其四十二卷元題文說者以靖德考之疑包公揚所錄蓋公之子尚書懷嘗刻公所輯文說一編視此卷雖略而饒後

錄所列包公錄中往往有此卷中語是知此為公所錄也疑
獨所載胡子知言一章謂書為游心志之大筭者最為疑忌
後學使不知者謂為先生語是當削去也疑而李公不能察
也語錄之難讀如此黃公之慮豈為過哉語之從類黃子洪
士毅始為之史廉叔公說刻之蜀近歲徽州又刻之王公似
為續類徽州又刻之昔張宣公類洙泗言仁祖程子意也而
朱子以滋學者入耳出口之弊疑之魏公了翁援是為學者
慮當矣蔡公乃曰論語諸篇記亦以類則議者亦莫能破也
然三錄二類凡五書者並行而錯出不相統壹矣蜀類增多
池錄三十餘家饒錄增多蜀類八九家而蜀類續類又有池
饒三錄所無者王公謂蜀類作於池饒各為錄之後者蓋失
之而今池錄中語尚多蜀類所未收則不可曉已豈池錄嘗
再增定邪抑子洪猶有遺邪子洪所定門目頗精詳為力墜
矣庶叔刻之不復讎校故文字甚差脫或至不可讀微本附

以饒錄續類又增前類所未入亦為有功惜其雜亂重複讀
者尤以為病而饒後錄新增數家王公或未之見未及收也
靖德忘其晚陋輒合五書而參校之因子洪門日以續類附
焉饒後錄入焉遺者收之誤者正之考其同異而削其復者
一千一百五十餘條越數歲編成可繕寫顧文字浩博猶不
敢謂以舛誤覽者幸哀其劬而正之其或一二字可疑則元
錄之訛無別本可訂定固不得輒改也諸公序語列之篇端
合而考之黃公謂歷千載而如會一堂公衆聞而悉歸一已
所以志學者之幸李公謂語錄與諸書異者當以歲月先後
求之亦確論也獨論記者易差而謂李端伯猶爾則不然蓋
以至大至剛以直為句者乃伊川之說端伯不誤也讀書之
難豈獨語錄朱子嘗言論語後十篇不及前六言六蔽不似
聖人法語是孔門所記猶可疑也而況後之書乎讀者誠能
服膺乎精擇審取之訓以為讀語類之法而又以滋入耳出

口之弊云者為讀語類之戒則庶乎可與共學矣景定癸亥
秋八月戊申朔後學導江黎靖德書

李公性傳叙饒錄謂先生有別錄多譚災興大事未敢傳
而止於火猶幸存一二項嘗問諸其家則所云存者亦不
存矣甚可惜也因讀蔡公所刻包公錄凡四卷其一卷既
與元題文說者相出入而他二卷所言大抵多災興間事
疑即李公昔藏而今以者但略無互見於諸家之所錄則
與其子樞密所跋文說謂公所錄多且詳與世所傳大槩
無異故藏而不出云者不相似樞密又謂公所錄已止於
建安之火不復存而湯氏乃有藏本是皆不能使人以疑
焉者靖德來盱江樞密甫下世恨不及質之也近歲吳公
堅在建安又刊別錄二冊蓋收池饒三錄所遺而亦多已
見他錄者併參校而附益之粗為編靖德適行部事因
輒刻之郡齋與學者共之感淳庚午正月辛亥靖德再書

考訂

池饒三錄最號精善然猶不免誤字其可知者已輒改未詳則
姑仍之覽者擇焉可也

黃字洪云池本陳埴錄乃答埴書不當取為錄今觀廖德明錄
中猶有答符舜功書一條饒本周謨錄有答謨書數條又程
端蒙錄論知言養氣處全寫或問二段微續類載呂惠錄孟
子三條乃全寫集注今皆削

諸家所記重複者既以類聚乃易見蓋池錄饒錄有自復出者
饒錄有已見池錄者饒後錄有饒錄已見者如揚錄與不知
何氏錄重複者
微續類自有復見者微續類尤多前類所已見者又自有復
出者建別錄又多諸書所已見者刪去之餘十存二三耳

蜀類與池饒錄文異者從其又義之長

蜀類條目精詳然猶有誤入類者微續類之誤尤多今悉刊正
微類雖翻蜀本已增入饒錄九家然亦有差誤今刊正

微類續類會粹當無遺矣然此錄中猶有十餘條未入饒錄中遺者尤多今增入

諸錄中語有可疑者輒削之

建別錄第十九卷不知何氏錄中有師鄭字乃趙恭父也二十卷中有礪曰字乃劉用之也此二卷或二人所錄

朱子語類卷第三十九

理氣上

太極天地上

問太極不是未有天地之先有箇渾成之物是天地萬物之理總名否曰太極只是天地萬物之理在天地言則天地中有太極在萬物言則萬物中各有太極未有天地之先畢竟是先有此理動而生陽亦只是理靜而生陰亦只是理問太極解何以先動而後靜先用而後體先感而後寂曰在陰陽言則用在陽而體在陰然動靜無端陰陽無始不可分先後今只就起處言之畢竟動前又是靜用前又是體感前又是寂陽前又是陰而寂前又是感靜前又是動將何者為先後不可只道今日動便為始而昨日靜更不說也如鼻息言呼吸則辭順不可道吸呼畢竟呼前又是吸吸前又是呼溥問昨謂未有天地之先畢竟是先有理如何曰未有天地之先

畢竟也只是理有此理便有此天地若無此理便亦無天地
無人無物都無該載了有理便有氣流行發育萬物曰發育
是理發育之否曰有此理便有此氣流行發育理無形體曰
所謂體者是強名否曰是曰理無極氣有極否曰論其極將
那處做極厚

若無太極便不翻了天地方子

太極只是一箇理字人傑

有是理後生是氣自一陰一陽之謂道推來此性自有仁義德明

天下未有無理之氣亦未有無氣之理氣以成形而理亦賦焉○殊

先有箇天理了却有氣氣積為質而性具焉敬仲

問理與氣曰伊川說得好曰理一分殊合天地萬物而言只是

一箇理及在人則又各自有一箇理並發

問理與氣曰有是理便有是氣但理是本而今且從理上說氣

如云太極動而生陽動極而靜靜而生陰不成動已前便無

靜程子曰動靜無端蓋此亦是且自那動處說起若論著動

以前又有靜靜以前又有動如云一陰一陽之謂道繼之者

善也這繼字便是動之端若只一開一闔而無繼便是闔殺

了又問繼是動靜之間否曰是靜之終動之始也且如四時

到得冬月萬物都歸窠了若不生來年便都息了蓋是貞復

生元無窮如此又問元亨利貞是備箇動靜陰陽之理而易

只謂乾有之曰若論文王易本是作大亨利貞只作兩字說

孔子見這四字好便挑開說了所以其嘗說易難看便是如

此伏羲自是伏羲易文王自是文王易孔子因文王底說又

却出入乎其間也又問有是理而後有是氣未有人時此理

何在曰也只在這裏如一海水或取得一杓或取得一擔或

取得一椀都是這海水但是他為主我為客他較長久我得

之不久耳並發○義

問先有理抑先有氣曰理未嘗離乎氣然理形而上者氣形而

下者自形而上下言豈無先後理無形氣便粗有查滓滓

或問必有是理然後有是氣如何曰此本無先後之可言然必

欲推其所從來則須說先有是理然理又非別為一物即存

乎是氣之中無是氣則是理亦無掛搭處氣則為金木水火

理則為仁義禮智人傑

或問理在先氣在後曰理與氣本無先後之可言但推上去時

却如理在先氣在後相似又問理在氣中發見處如何曰如

陰陽五行錯綜不失條緒便是理若氣不結聚時理亦無所

附著故康節云性者道之形體心者性之郭郭身者心之區

宇物者身之舟車問道之體用曰假如耳便是體聽便是用

目是體見是用祖道

或問先有理後有氣之說曰不消如此說而今知得他合下是

先有理後有氣邪後有理先有氣邪皆不可得而推究然以

意度之則疑此氣是依傍這理行及此氣之聚則理亦在焉

蓋氣則能凝結造作理却無情意無計度無造作只此氣凝

聚處理便在其中且如天地間人物草木禽獸其生也莫不

有種定不會無種了白地生出一箇物事這箇都是氣若理

則只是個淨潔空闊底世界無形迹他却不會造作氣則能

醞釀凝聚生物也但有此氣則理便在其中個

問有是理便有是氣似不可分先後曰要之也先有理只不可

說是今日有是理明日却有是氣也須有先後且如萬乙山

河大地都陷了畢竟理却只在這裏胡泳

徐問天地未判時下面許多都已否曰只是都有此理天地

生物千萬年古今只不離許多物天地

問天地之心亦靈否還只是漠然無為曰天地之心不可道是

不靈但不如人恁地思慮伊川曰天地無心而成化聖人有

心而無為淳

問天地之心天地之理理是道理心是主宰底意否曰心固是

主宰底意然所謂主宰者即是理也不是心外別有箇理
外別有箇心又問此心字與帝字相似否曰人字似天字心
字似帝字義剛同

道夫言向者先生教思量天地有心無心近思之切謂天地無
心仁便是天地之心若使其有心必有思慮有營爲天地曷
嘗有思慮來然其所以四時行百物生者蓋以其合當如此
便如此不待思惟此所以爲天地之道曰如此則易所謂復
其見天地之心正大而天地之情可見又如何如公所說祇
說得他無心處爾若果無心則須牛生出馬桃樹上發李花
他又却自定程子曰以主宰謂之帝以性情謂之乾他這名
義自定心便是他箇主宰處所以謂天地以生物爲心中間
欽夫以爲其不合如此說某謂天地別無勾當只是以生物
爲心一元之氣運轉流通略無停間只是生出許多萬物而
已問程子謂天地無心而成化聖人有心而無爲曰這是說

天地無心處且如四時行百物生天地何所容心至於聖人
則順理而已復何爲哉所以明道云天地之常以其心普萬
物而無心聖人之常以其情順萬事而無情說得最好問普
萬物莫是以心周徧而無私否曰天地以此心普及萬物人
得之遂爲人之心物得之遂爲物之心草木禽獸接着遂爲
草木禽獸之心只是一箇天地之心爾今須要知得他有心
處又要見得他無心處只恁定說不得道夫

萬物生長是天地無心時枯槁欲生是天地有心時方

問上帝降衷于民天將降大任於人天祐民作之君天生物因
其才而篤作善降百祥作不善降百殃天將降非常之禍於
此世必預出非常之人以擬之凡此等類是蒼蒼在上者真
有主宰如是邪抑天無心只是推原其理如此曰此三段只
一意這箇也只是理如此氣運從來一盛了又一衰一衰了
又一盛只管恁地循環去無有衰而不盛者所以降非常之

禍於世定是生出非常之人邵堯夫經世吟云羲軒堯舜湯
武相文皇帝霸父子君臣四者之道理限于秦降及兩漢
又歷三分東西倣擾南北紛紛五胡十姓天紀幾勢非唐不
濟非宋不存千世萬世中原有人蓋一治必又一亂一亂必
又一治夷狄只是夷狄須是還他中原淳
帝是理為主淳

蒼蒼之謂天運轉周流不已便是那箇而今說天有箇人在那
裏批判罪惡固不可說道全無主之者又不可這裏要人見

得

個○又問經傳中天字曰要人自看得分曉
也有說蒼蒼蒼蒼也有說主宰者也有單理時

天地初間只是陰陽之氣這一箇氣運行磨來磨去磨得急了
便撥許多查滓裏面無處出便結成箇地在中央氣之清者
便爲天爲日月爲星辰只在外常周環運轉地便只在中央
不動不是在下淳

清剛者爲天重濁者爲地道夫

天運不息晝夜輟轉故地推在中間使天有一息之停則地須
陷下惟天運轉之急故凝結得許多查滓在中間地者氣之
查滓也所以道輕清者爲天重濁者爲地道夫

天以氣而依地之形地以形而附天之氣天包乎地地特天中
之一物爾天以氣而運乎外故地推在中間墮然不動使天
之運有一息停則地須陷下道夫

天包乎地天之氣又行乎地之中故橫渠云地對天不過振
地却是有空闕處天却四方上下都周匝無空闕逼塞滿皆是
天地之四向底下却靠着那天天包地其氣無不通恁地看
來渾只是天了氣却從地中迸出又見地廣處淵

季通云地上便是天端蒙

天只是一个大底物須是大著心腸看他始得以天運言之
一
日固是轉一匝然又有大轉底時候不可如此偏滯求也淵
天明則日月不明天無明夜半黑滓滓地天之正色個

山河大地初生時須尚軟在方氣質

天地始初混沌未分時想只有水火二者水之滓脚便成地今登高而望羣山皆為波浪之狀便是水泛如此只不知因甚麼時疑了初間極軟後來方凝得硬問想得如潮水湧起沙相似曰然水之極濁便成地火之極清便成風霆雷電日星之屬個

西北地至高地之高處又不在天之中義剛

唐太宗用兵至極北處夜亦不曾太暗少頃即天明謂在地尖處去天地上下不相遠掩日光不甚得揚

地有絕處唐太宗收至骨利幹置堅昆都督府其地夜易曉夜亦不甚暗蓋當地絕處日影所射也其人髮皆赤揚

通鑑說有人適外國夜熟一羊腓而天明此是地之角尖處日入地下而此處無所遮蔽故常光明及從東出而為曉其所經遮蔽處亦不多耳義剛

問康節論六合之外恐無外否曰理無內外六合之形須有內外日從東畔升西畔沉明日又從東畔升這上面許多下面亦許多豈不是六合之內曆家算氣只算得到日月星辰運行處上去更算不得安得是無內外淳

問自開闢以來至今未萬年不知已前如何曰已前亦須如此一番明白來又問天地會壞否曰不會壞只是相將人無道極了便一齊打合混沌一番人物都盡又重新起問生第一箇人時如何曰以氣化二五之精合而成形釋家謂之化生如今物之化生者甚多如風然揚

天地不怨謂肅殺之類振

可幾問大鈞播物還是一去便休也還有去而復來之理曰一去便休耳豈有散而復聚之氣道夫

造化之運如磨上面常轉而不止萬物之生似磨中撒出有粗有細自是不齊又曰天地之形如人以兩盃相合貯水於內

以手常常掉開則水在內不出稍住手則水漏矣過

問氣之伸屈曰譬如將水放鍋裏煮水既乾那泉水依前又來不到得將已乾之水去做它夔孫

人呼氣時腹却脹吸氣時腹却厭論來呼而腹厭吸而腹脹乃是今若此者蓋呼氣時此一口氣雖出第二口氣復生故其腹脹及吸氣時其所生之氣又從裏趕出故其腹却厭大凡人生至死其氣只管出出盡便死如吸氣時非是吸外氣而入只是住得一霎時第二口氣又出若無得出時便死老子曰天地之間其猶橐籥乎動而不屈虛而愈出橐籥只是今之鞴扇耳廣

數只是筭氣之節候大率只是一箇氣陰陽播而為五行五行中各有陰陽甲乙木丙丁火春屬木夏屬火年月日時無有非五行之氣甲乙丙丁又屬陰屬陽只是二五之氣人之生適遇其氣有得清者有得濁者貴賤壽夭皆然故有參差不

齊如此聖賢在上則其氣中和不然則其氣偏行故有得其氣清聰明而無福祿者亦有得其氣濁有福祿而無知者皆其氣數使然堯舜禹臯文武周召得其正孔孟夷齊得其偏者也至如極亂之後五代之時又却生許多聖賢如祖宗諸臣者是極而復者也揚錄云頽果不食之理如大睡一覺及醒時却有精神揚錄此下云今却詭詐玩弄未有醒時非積亂之甚五六十一年則定氣息未蘇了是大可憂也

天地統是一箇大陰陽一年又有一年之陰陽一月又有一月之陰陽一日一時皆然端蒙○陰陽五行

陰陽五行之理須常常看得在目前則自然牢固矣人傑

陰陽是氣五行是質有這質所以做得物事出來五行雖是質他又有五行之氣做這物事方得然却是陰陽二氣截做這五箇不是陰陽外別有五行如十干甲乙甲便是陽乙便是

陰高○

問前日先生答書云陰陽五行之為性各是一氣所稟而性則

一也兩性字同否曰一般又曰同者理也
不同者氣也又曰他所以道五行之生各一其性節復問這箇莫是木自是木
火自是火而其理則一先生應而曰且如這箇光也有在魂
蓋上底也有在墨上底其光則一也節

五行相為陰陽又各自為陰陽端蒙

氣之精英者為神金木水火土非神所以為金木水火土者是
神在人則為理所以為仁義禮智信者是也植

金木水火土雖曰五行各一其性然一物又各具五行之理不
可不知康節却細推出來個

天一自是生水地二自是生火生水只是合下便具得濕底意
思木便是生得一箇軟底金便是生出得一箇硬底五行之
說正蒙中說得好又曰木者土之精華也又記曰水火不出
於土正蒙一段說得最好不胡亂下一字節

問黃帝云金木水火體質屬土曰正蒙有一說好只說金與

木之體質屬土水與火却不屬土問火附木而生莫亦屬土

否曰火自是箇虛空中物事問只溫熱一作煖之氣便是火否

曰然問同

水火清金木濁土又濁可學

論陰陽五行曰康節說得法密橫渠說得理透邵伯溫載伊川
言曰向惟見周茂叔語及此然不及先生之有條理也欽夫
以為伊川未必有此語蓋伯溫妄載其則以為此語恐誠有
之方子

土無定位故今曆家以四季之月十八日為土分得七十二日

若說播五行於四時以十干推之亦得七十二日高同

問四時取火何為季夏又取一番曰土旺於未故再取之土寄

旺四季每季皆十八日四箇十八日計七十二日其他四行

分四時亦各得七十二日五箇七十二日共湊成三百六十

日也問

問古者取火四時不同不知所取之木既別則火亦異否曰是
如此胡泳

火中有黑陽中陰也水外黑洞洞地而中却明者陰中之陽也

故水謂之陽火謂之陰亦得伯羽

陰以陽為質陽以陰為質水內明而外暗火內暗而外明橫渠

曰陰陽之精互藏其宅正此意也坎離道夫

清明內影濁明外影清明金水濁明火日間

天有春夏秋冬地有金木水火人有仁義禮智皆以四者相為

用也季札

春為感夏為應秋為感冬為應若統論春夏為感秋冬為應明

歲春夏又為感四時可學

問學者云古人排十二時是如何諸生思未得先生云志是從

之從心乃是心之所之古時字從之從日亦是日之所至蓋

日至於午則謂之午時至未則謂之未時十二時皆如此推

古者訓日字實也月字缺也月則有缺時日常實是如此如

天行亦有差月星行又遲趕它不上惟日鐵定如此又云看

北斗可以見天之行夔孫

田



